



CONVENIO DE COLABORACIÓN ENTRE A CONSELLERÍA DO MAR E A ASEMBLEA DA COMUNIDADE AUTÓNOMA DE GALICIA DA CRUZ VERMELLA ESPAÑOLA

En Santiago de Compostela, a nove de marzo de dous mil dezaseis

REUNIDOS

Dunha parte Dona Rosa María Quintana Carballo, conselleira do Mar, actuando no nome e na representación da Xunta de Galicia, ao abeiro das facultades que lle concede o artigo 34 da Lei 1/1983, do 22 de febreiro, de normas reguladoras da Xunta e da súa Presidencia.

E doutra parte Dona, presidenta da Asemblea da Comunidade Autónoma de Galicia na Coruña da Cruz Vermella Española, actuando en nome e representación da dita institución, en virtude do poder notarial outorgado ante notario do Colexio Notarial de Madrid, Don, en escritura número 7577, de data 27 de xullo de 2007.

Ambas as dúas partes reunidas recoñécense capacidade mutua, legal e suficiente para obrigarse mediante este convenio de colaboración e

CONSIDERAN

Primeiro.- A Cruz Vermella Española é, segundo as súas normas ordenadoras (Real Decreto 415/1996), unha institución humanitaria de interese público configurada como auxiliar colaboradora das Administracións Públicas en accións humanitarias e sociais, desenvolvéndose a súa actuación nos distintos ámbitos do Estado baixo a súa tutela.

Segundo.- A devandita institución conta ao longo das costas galegas con estacións e postos de salvamento en diversos portos da Comunidade Autónoma de Galicia.





Terceiro.- A Consellería do Mar, en función das atribucións conferidas á Xunta de Galicia no artigo 29.3 do Estatuto de Autonomía de Galicia e no Decreto 168/2015, do 13 de novembro, polo que se aproba a estrutura orgánica da Consellería do Mar, ten competencia, entre outras, en materia de salvamento marítimo.

Cuarto.- A Cruz Vermella é a única entidade capacitada para levar a cabo as accións obxecto deste convenio sendo imposible promover concorrencia pública para atender a esta prestación a través da formalización dun contrato administrativo, quedando polo tanto fóra do ámbito da aplicación da Lei de Contratos do Sector Público.

Polo exposto, ambas as dúas partes acordan asinar un convenio de colaboración con arranxo ás seguintes

CLÁUSULAS

Primeira.- A Consellería do Mar e a Asemblea Autonómica de Galicia da Cruz Vermella formalizan este convenio, que ten por obxecto colaborar en materia de pesca e salvamento marítimo, nos termos que se indican.

Segunda.- A Asemblea Autonómica de Galicia da Cruz Vermella Española comprométese a:

- 1) Actuar en tarefas de salvamento marítimo de forma coordinada cos medios da Consellería do Mar, poñendo os medios operativos da institución a disposición alí onde sexan necesarios.
- 2) Á divulgación entre a poboación mariñeira de métodos elementais de salvamento, utilizando os medios da institución.
- 3) Á participación en exercicios prácticos de rescate, divulgando ao tempo, entre os pescadores, os métodos e técnicas de utilización dos medios utilizados nestes exercicios.

Terceira.- Pola súa banda, a Consellería do Mar comprométese a:

- 1) Colaborar e coordinar as tarefas de salvamento e seguridade realizadas pola entidade.





- 2) Achegar como máximo as cantidades que figuran na cláusula cuarta do presente convenio para levar a cabo as accións que se definen no seu obxecto e durante o período de vixencia deste.

Cuarta.- A contribución económica haberá de cubrir exclusivamente as actuacións realizadas ao longo deste ano 2016 para compensar os gastos nos que incorre a Cruz Vermella na realización das devanditas accións, esta ascenderá a TRINTA MIL EUROS (30.000 €), que serán financiados con cargo á aplicación 14.01.541C.604.1 (código de proxecto 2011 00867) dos orzamentos xerais da comunidade Autónoma de Galicia para o ano 2016.

Quinta.- O pagamento das cantidades estipuladas neste convenio será feito efectivo pola Xunta de Galicia nunha soa vez ou en partidas parciais, segundo a Cruz Vermella xustifique documentalmente diante da Consellería do Mar a efectiva realización das accións previstas no convenio e conforme ás seguintes condicións:

1. Para o pagamento a entidade deberá achegar a seguinte documentación:
 - a) Certificados que acrediten que a entidade está ao corrente no pagamento das súas obrigas tributarias e sociais e que non ten débedas pendentes de pagamento coa Xunta de Galicia.
 - b) Certificación acreditativa de ter efectuado as accións sinaladas no convenio, asinada pola presidencia da entidade.
 - c) Facturas emitidas a nome da Consellería do Mar e conformadas pola Subdirección Xeral de Gardacostas de Galicia, correspondentes ás accións obxecto do convenio realizadas no período.
2. A Consellería do Mar poderá requirir en calquera momento canta documentación precise para comprobar a efectiva realización das accións obxecto do convenio.

Sexta.- Constituirase unha comisión para o seguimento, interpretación e control das cláusulas deste convenio e a coordinación das actuacións. A Consellería do Mar designa como membro da mesma ao subdirector xeral de Gardacostas de Galicia e a Asemblea Autónoma de Galicia da Cruz Vermella á secretaria da dita institución.





Sétima.- A vixencia deste convenio será desde a data da súa sinatura ata o día 31 de decembro de 2016, aínda que este poderá ser prorrogado por mutuo acordo das partes, adoptado antes de que remate a súa vixencia, e logo do informe favorable da Asesoría Xurídica desta consellería e da preceptiva fiscalización do gasto.

Oitava.- As cuestións controvertidas sobre a interpretación, modificación, resolución e efectos que puidesen derivarse da aplicación deste convenio deberán solucionarse pola Comisión de seguimento á que se refire a cláusula sexta. Se non se puidese alcanzar o dito acordo, a discrepancia será resolta pola Consellería do Mar, resolución que poñerá fin á vía administrativa, e poderá ser obxecto de coñecemento pola xurisdición contencioso-administrativa.

Novena.- Calquera incumprimento das normas contidas neste convenio, así como a achega de documentación fraudulenta ou a desviación do obxecto do gasto a fins distintos dos estipulados no convenio, terá carácter liberatorio para a Consellería do Mar respecto dos compromisos contraídos coa Asemblea Autonómica de Galicia da Cruz Vermella e dará lugar á rescisión automática do convenio.

E en proba de conformidade con canto antecede, as partes que interveñen asinan este convenio por triplicado exemplar, no lugar e data sinalados no encabezamento.

POLA CONSELLERÍA DO MAR

POLA CRUZ VERMELLA

Rosa M^a Quintana Carballo

